

# Banjir kilat tidak dapat dielak

Kediaman penduduk dibina hampir dengan tebing sungai

**SUNGAI PANJANG** – Sistem perparitan yang tidak sistematik antara punca kejadian air masuk ke kediaman beberapa penduduk di Kampung Parit 15 dan 16 di sini.

Timbalan Menteri Tenaga, Teknologi Hijau dan Air, Noriah Kasnon berkata, keadaan kediaman yang terlalu hampir dengan tebing sungai juga menjadi punca beberapa rumah sering berdepan masalah banjir.

Bagaimanapun, menurut beliau, keadaan itu tidak dapat dielakkan berikutan kebanyakan rumah dibina di atas tanah rizab milik Jabatan Pengairan dan Saliran (JPS) yang mana ia bukan tapak sesuai untuk dijadikan kawasan kediaman.

“Saya dimaklumkan, JPS juga tidak mempunyai cadangan untuk membina ben-

teng atau pengadang banjir bagi mengatasi masalah yang dihadapi penduduk di sini.

“Dalam masa yang sama, kita juga faham, kebanyakan mereka telah lama menetap di sini sejak berpuluh tahun dahulu, jadi kita akan fikirkan dan lihat cara terbaik untuk menangani masalah ini nanti,” katanya ketika ditemui pada majlis turun padang meninjau keadaan mangsa banjir di sini, semalam.

Sejak Rabu lalu, beberapa rumah dimasuki air dipercaiyai berpunca daripada kejadian air pasang keling yang mengakibatkan air Sungai Bernam yang terletak kira-kira 10 meter dari kediaman melimpah.

Kelmarin, paras air diktakan mencapai tahap tertinggi sehingga paras lutut menyebabkan beberapa pe-

ralatan rumah rosak.

Noriah yang juga Ahli Parlimen Sungai Besar berkata, ia adalah kejadian paling buruk berlaku sepanjang 41 tahun ini.

“Biarpun mereka mendi-ami kawasan tanah rizab, kita tetap lahirkan rasa simpati dan hari ini (semalam) kita telah mengunjungi 14 rumah untuk menyampaikan sumbangan hamper, beras dan sedikit sagu hati berupa wang ringgit,” katanya.

Selain menyampaikan bantuan, beliau berkata, lawatan itu juga memberi peluang mereka meninjau masalah kawasan itu antaranya bantuan baik pulih rumah yang rosak dan rujukan bantuan di bawah Jabatan Kebajikan Masyarakat (JKM) bagi mereka yang layak.



■ Noriah (dua, kanan) bersama ahli Skuad Sayang Parlimen Sungai Besar meredah banjir yang masih belum surut bagi meninjau keadaan banjir di Kampung Parit 15 dan 16 Sungai Panjang, semalam.